

aðalfundur ræktunarsambandsins samþykki það með að minnsta kosti  $\frac{3}{5}$  atkvæðis- 75  
bærra fundarmanna, enda komi samþykki landbúnaðarráðherra til. 24. febr.

28. gr.

Með brot á samþykkt þessari skal fara sem almenn lögglumál.

29. gr.

Samþykkt þessi gengur í gildi, er hún hefur verið staðfest af landbúnaðar-  
ráðherra.

Samþykkt þessi, sem er sett samkvæmt lögum nr. 7 12. janúar 1945, um jarð-  
ræktar og húsagerðarsamþykktir í sveitum, og reglugerð um jarðræktarsamþykktir  
frá 20. febrúar 1946, staðfestist hér með til að öðlast gildi þegar í stað og birtist til  
eftirbreytni öllum þeim, er hlut eiga að máli.

*Landbúnaðarráðuneytið, 24. febrúar 1947.*

**Bjarni Ásgeirsson.**

*Árni G. Eylands.*

## JARÐRÆKTARSAMÞYKKT

76

fyrir Ræktunarsamband Kjalarnesþings.

24. febr.

Búnaðarfélagin í Kjósarhreppi, Kjalarneshreppi, Mbsfellshreppi, Garða- og  
Bessastaðahreppi og Jarðræktarfélag Reykjavíkur, öll í Búnaðarsambandi Kjalar-  
nesþings, gera á grundvelli laga nr. 7 12. jan. 1945 svofellda ræktunarsamþykkt:

### I. KAFLI

Takmörk samþykktarsvæðis og markmið.

1. gr.

Samþykktarsvæðið nær yfir eftirgreind búnaðarfélög á félagssvæði Búnaðar-  
sambands Kjalarnesþings: Búnaðarfélag Kjósarhrepps, Búnaðarfélag Kjalarnes-  
hrepps, Búnaðarfélag Mosfellshrepps, Búnaðarfélag Garða- og Bessastaðahrepps og  
Jarðræktarfélag Reykjavíkur.

Félagið nefnist: Ræktunarsamband Kjalarnesþings.

2. gr.

Ræktunarsambandið tekur að sér, á þann hátt, sem fyrir er mælt í samþykkt  
þessari, eftirgreind verkefni á öllum jörðum á samþykktarsvæðinu, að undanskild-  
um þeim, er falla undir ákvæði VI. kafla jarðræktarlaga nr. 54 4. júlí 1942, um  
húferlaflutning:

1. Að ræsa fram land til túnræktar, garðræktar, beitiræktar og engjaræktar. Tekur  
framkvæmd verksins til fullnaðar framræslu á landinu að opnum skurðum,  
svo og lokræsum, þar sem þess er þörf, eins og fyrir verður mælt af trúnaðar-  
manni, er Búnaðarfélag Íslands samþykkir til að hafa á hendi undirbúning um  
hvernig verkið skuli framkvæmt.
2. Að framkvæma jarðvinnslu á tünnum jarða á samþykktarsvæðinu, sem ekki eru  
véltæk. Nær það til plægingar, herfingar og jöfnunar landsins. Hverjar vinnslu-

76  
24. febr.

- aðferðir verða viðhafðar á hverjum stað fer eftir fyrirsoðn trúnaðarmanns Búnaðarfélags Íslands.
3. Að taka að sér jarðvinnslu til nýræktar túna og garða. Nær það til fullnaðarvinnslu landsins á sama hátt og gert er ráð fyrir í síðustu málsgrein undir lið 2.
  4. Að framkvæma sléttun engja, svo þær verði véltækar, hvort heldur það er gert með völlum, vinnslu lands, flóðgarðahleðslu eða öðrum aðferðum, eftir fyrirsoðn trúnaðarmanns Búnaðarfélags Íslands.

## II. KAFLI

### Skipun og verksvið framkvæmdastjórnar.

#### 3. gr.

Ræktunarsambandið velur sér fimm manna framkvæmdastjórn. Skal hún kjörin á aðalfundi ræktunarsambandsins til þriggja ára. Gengur einn maður úr stjórn fyrsta árið, síðan tveir á ári eftir hlutkesti og síðan í röð eftir starfsaldri. Stjórnarnefndarmenn má endurkjósa. Aldrei skal kjósa fleiri en einn mann í stjórn frá hverju búnaðarfélagi.

#### 4. gr.

Stjórnin skiptir með sér verkum. Formaður boðar til allra funda og stýrir þeim. Ritari sér um bókun fundargerða. Gjaldkeri hefur á hendi reikningshald fyrir allar þær framkvæmdir, sem gerðar eru á grundvelli samþykktarinnar og annast allar innheimtur og greiðslur eftir ávísun formanns.

#### 5. gr.

Stjórn ræktunarsambandsins annast kaup á nauðsynlegum vélum og verkfærum til skurða- og lokræsagerðar, svo og á jarðvinnsluvélum, en skylt er henni, sbr. 8. gr. laga um jarðræktar- og húsagerðarsamþykktir í sveitum, að hafa samráð við verkfæranefnd ríkisins um kaup og val vélanna.

#### 6. gr.

Stjórnin sér um kaup á öllu því, er með þarf til reksturs og viðhalds þeim vélum og áhöldum, er keypt verða. Henni ber að hafa þau tryggð fyrir fjárhæð, er svarar til verðgildis þessara eigna, eins og þær eru á hverjum tíma.

#### 7. gr.

Stjórnin annast um allan rekstur vélanna. Henni ber að gera og undirrita alla verktökusamninga, við hina einstöku framkvæmdaaðila á samþykktarsvæðinu, og ákveður á hverjum tíma og í hverri röð verkefnin eru tekin, sem unnið skal að.

#### 8. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn, getur hún með erindisbréfi falið honum framkvæmdastjórn um daglegan rekstur og umsjón með verkstjórn vinnuflokka.

#### 9. gr.

Allir samningar, er stjórnin og framkvæmdastjóri gera fyrir hönd ræktunarsambandsins, samkvæmt samþykktum þessum eða ályktunum aðalfunda þess, eru skuldbindandi fyrir félagsheildina og búnaðarfélögin, er að samþykkt standa, án þess það hafi verið sérstaklega undir þá borið. Stjórn og framkvæmdastjóri bera ábyrgð gerða sinna fyrir hinum árlega aðalfundi ræktunarsambandsins.

## III. KAFLI

## Um tilhögun framkvæmda.

76

24. febr.

## 10. gr.

Skýlt er stjórnnum hreppabúnaðarfélaganna, hverri á sínu svæði, fyrir janúarlok ár hvert, að skrá verkbeiðnir félaganna. Skal þar tilgreint, hverjar jarðabætur óskað er að unnar séu á því ári, svo og verkmagn þeirra. Skýrslum þessum ber að skila til stjórnar ræktunarsambandsins eigi síðar en 1. febr. ár hvert.

Skýrslunni fylgi, frá verkkaupendum, greiðsluskuldbinding hvers fyrir sig, og enn fremur yfirlýsing félagsstjórnar hreppsúnaðarfélagsins, að það takist á hendur ábyrgð á greiðslum sinna félagsmanna fyrir þau verk, sem hjá þeim verða unnin á því starfsári.

## 11. gr.

Að fengnum þeim skýrslum, er um ræðir í 10. gr., ber stjórn ræktunarsambandsins að semja starfs- og rekstursáætlun fyrir yfirstandandi ár. Rísi ágreiningur innan stjórnar ræktunarsambandsins um veigamikil atriði framkvæmdaáætlunar, ber að leggja hana fyrir aðalfund ræktunarsambandsins til samþykktar.

Framkvæmdastjórn er skýlt að framfylgja samþykkttri starfsáætlun eftir því sem við verður komið.

## 12. gr.

Við undirbúning framkvæmdaáætlunar sé þess sérstaklega gætt:

1. Að þær jarðir, sem minnst véltækt land hafa, sitji fyrir vinnu, eftir því, sem við verður komið, án þess að valda óhæfilegum aukakostnaði við flutning véla og verkfæra;
2. að túnasléttun, að öðru jöfnu, sé látin sitja fyrir öðrum ræktunarframkvæmdum;
3. að land það, sem brjóta á til ræktunar, hafi verið ræst fram á fullnægjandi hátt, að dómi trúnaðarmanns Búnaðarfélags Íslands;
4. að framræsla bithaga komi að jafnaði því aðeins til greina, að fullnægt hafi verið framræsluverkefnum vegna tún-, garð- og engjaræktar á þann hátt, að það tefji eigi jarðvinnsluna, svo því marki verði náð, að allur heyskapur verði tekinn á vélferu landi.

## IV. KAFLI

## Um verðlagsákvarðanir og greiðslu kostnaðar.

## 13. gr.

Kostnaður við framkvæmdir, er í samþykkt þessari getur, greiðist af verkkaupanda, eftir þeim skildaga og á þann hátt er tilgreint verður í verktökusamningi þeim, er um getur í 7. gr. þessarar samþykktar. Heimilt er stjórn ræktunarsambandsins að láta greiðslur fara fram eftir áætluðum verktöxtum meðan verkið stendur yfir ár hvert, en fullnaðargreiðsla sé byggð á tilkostnaðarverði eins og það verður samkvæmt rekstursreikningi hvers árs. Áætlaðir verktaxtar séu miðaðir við tímaeiningu.

## 14. gr.

Til reksturskostnaðar telst greiðsla vinnulauna, allur reksturskostnaður véla og greiðslur fyrningargjalds af þeim, kostnaður við flutninga þeirra milli vinnustaða, geymsla vélanna, viðhald véla, er stafar af eðlilegu sliti þeirra, vaxtagreiðslur, kostnaður við verkstjórn og stjórnarkostnaður.

Heimilt er stjórn ræktunarsambandsins að ákveða og leggja á framkvæmdakostnað áhættuþóknun, er nemi allt að 5% af heildarreksturskostnaði hvers árs.

## 76

24. febr.

Aðalfundur ræktunarsambandsins getur heimilað framkvæmdastjórn að taka ákveðin verk, sem tilgreind eru í 2. gr. þessarar samþykktar, í ákvæðisvinnu, enda sé lögð fyrir aðalfund kostnaðaráætlun og verklýsing af því, sem vinna á.

## 15. gr.

## 16. gr.

Heimilt er framkvæmdastjórn á þeim tímum, sem ekki er unnt að vinna að skurðgrefti, lokræsagerð eða jarðvinnslu, fyrir samþykktaraðila, að taka að sér verkefni fyrir búendur, hreppsfélag eða aðra aðila á samþykktarsvæðinu, þó þau falli ekki undir ákvæði 2. gr., ef tryggt er að það sé hagkvæmt fyrir ræktunarsambandið, enda sé tryggt að vélakostur sé ekki festur við þessi störf svo það brjóti í bága við hagsmuni samþykktaraðila.

## 17. gr.

Rekstursafgangur af áhættuþóknun, svo og ef ágóði verður af ákvæðisvinnu eða þeim verkum, er um getur í 16. gr., skal leggjast í stofnsjóð ræktunarsambandsins, og varið samkvæmt ákvæðum þeim, er um hann gilda, sbr. 18. gr.

## V. KAFLI

## Fjáröflun og trygging.

## 18. gr.

Ræktunarsambandið myndar stofnsjóð til vélakaupa. Stofnfjárhæð hans er kr. 400000.00 — fjögur hundruð þúsund krónur —.

Stofnfjár skal aflað þannig:

1. Helmingur stofnfjárins skal lagður fram af ræktunarsambandinu og hreppabúnaðarfélagum þeim, er að samþykkt þessari standa, sem óafturkræft framlag, í þeim hlutföllum, að ræktunarsambandið leggur fram  $\frac{3}{5}$  hluta, en hreppabúnaðarfélagin sameiginlega  $\frac{2}{5}$  hluta fjárins.
2. Hinn helmingur stofnfjárins er framlag framkvæmdasjóðs ríkisins samkv. ákvæðum 9. gr. laga um jarðræktar- og húsagerðarsamþykktir í sveitum. Rennur það í stofnsjóð jafnóðum og styrkgreiðslur fara fram samkvæmt ákvæðum téðra laga.

Auk þess leggjast í stofnsjóð árlegar tekjur þær, sem inn koma samkvæmt ákvæðum 17. gr.

## 19. gr.

Stofnfjárframlag ræktunarsambandsins og hreppabúnaðarfélaganna greiðist inn til sambandsstjórnar þá er samþykkt þessi hefur öðlzt gildi.

Framlag hvers hreppsfélags skal greitt í hlutföllum við fasteignamat lands og ræktunarlóða, þó skal hver verðeining ræktunarlóða aðeins bera hálfan gjaldþunga móti einingu í öðru landverði.

## 20. gr.

Komi í ljós síðar, að álit framkvæmdastjórnar, að auka þurfi stofnsjóð, ber henni að gera rökstuddar tillögur um stofnfjárukningu og tilkynna það búnaðarfélagunum, áður en fulltrúar eru kosnir á aðalfund ræktunarsambandsins.

Ef meiri hluti löglega kjörinna fulltrúa á aðalfundi ræktunarsambandsins ákveður stofnfjárukningu, er hún bindandi fyrir hreppabúnaðarfélagin.

## 21. gr.

Heimilt er framkvæmdastjórn að taka reksturslán gegn tryggingu í þeim jarðræktarstyrk, er á umbæturnar verður greiddur úr ríkissjóði, samkv. ákvæðum II. og V. kafla jarðræktarlaga.

## 22. gr.

Skýlt er samþykktaraðilum að hafa greitt til framkvæmdastjórnar  $\frac{3}{4}$  af áætl-uðu verði, að frádregnum jarðabótastyrk, þeirrar vinnu, er þeir hafa pantað, áður en verkið er hafið. Eftirstöðvarnar greiðast með gjalddaga, er verktökusamningur ákveður.

76

24. febr.

## VI. KAFLI

## Um reikningshald og endurskoðun.

## 23. gr.

Reikningsár ræktunarsambandsins er almanaksárið og skal reikningsskilum lokið svo tímanlega að endurskoðun geti farið fram áður en aðalfundur ræktunarsambandsins er haldinn. Skulu endurskoðendur sannprófa að reikningum beri saman við bækur framkvæmdastjórnar.

## 24. gr.

Endurskoðendur séu tveir, kjörnir á aðalfundi ræktunarsambandsins til eins árs í senn. Þeir skulu kynna sér reksturinn sem bezt, og hafa eftirlit með starfrækslu framkvæmdastjórnar í hvívetna.

## 25. gr.

Endurskoðaðir reikningar skulu lagðir fram til samþykktar á aðalfundi sambandsins, sem haldinn skal fyrir 15. apríl ár hvert. Þar gefur framkvæmdastjórn skýrslu um starfsemina, svo og endurskoðendur, ef tilefni er til þess.

Um fulltrúakosningar til ræktunarsambandsfunda gilda sömu reglur og um kosningar fulltrúa fyrir Búnaðarsamband Kjalarnesþings.

## VII. KAFLI

## Um breyting samþykktar og hvernig samþykkt verði úr gildi felld.

## 26. gr.

Tillögur, sem fram kunna að koma til breytinga á samþykkt þessari frá bún-ðarfélagum eða framkvæmdastjórn, skulu sendar til allra aðila, er að samþykkt standa samkvæmt 1. gr., til umsagnar. Þær skulu síðan ásamt umsögn búnaðarfélaganna, lagðar fyrir aðalfund ræktunarsambandsins. Samþykki löglegur aðalfundur breytingarnar með a. m. k.  $\frac{3}{5}$  atkvæðisbærra fulltrúa, skal stjórn sambandsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

## 27. gr.

Samþykktir þessar má því aðeins nema úr gildi, að rökstutt álit meiri hluta samþykktaraðila liggja fyrir um að tilgangi samþykktar verði ekki náð, og lögsmætur aðalfundur ræktunarsambandsins samþykki það með a. m. k.  $\frac{3}{5}$  atkvæðisbærra fundarmanna, enda komi samþykki landbúnaðarráðherra til.

## 28. gr.

Með brot á samþykkt þessari skal farið sem almenn lögreglumál.

## 29. gr.

Samþykkt þessi gengur í gildi þegar hún hefur verið staðfest af landbúnaðarráðherra.

- 76 Samþykkt þessi, sem er sett samkvæmt lögum nr. 7 12. janúar 1945, um jarð-  
24. febr. ræktar- og húsagerðarsamþykktir í sveitum, og reglugerð um jarðræktarsamþykktir  
frá 20. febr. 1946, staðfestist hér með til að öðlast gildi þegar í stað og birtist til  
eftirbreytni öllum þeim, er hlut eiga að máli.

*Landbúnaðarráðuneytið, 24. febrúar 1947.*

**Bjarni Ásgeirsson.**

*Árni G. Eylands.*

- 77  
24. febr.

## HAFNARREGLUGERÐ

fyrir Flateyrarkauptún.

### I. KAFLI

**Takmörk hafnarinnar.**

#### 1. gr.

Flateyrarhöfn takmarkast af línu, er hugsast dregin frá Hólsnesi á Hvilftar-  
strönd yfir fjörðinn, í Ófærुकlett innanverðan, og línu frá Flateyrarvita hornrétt  
á fyrrnefnda línu.

### II. KAFLI

**Stjórn hafnarinnar.**

#### 2. gr.

Gjöld þau, sem ákveðin eru í reglugerð þessari, skulu renna í hafnarsjóð Flat-  
eyrarkauptúns og skal honum varið til þess að gera umbætur á höfninni og mann-  
virkjum, er henni heyra til, svo og til leiðbeiningar við innsiglinguna.

Hreppsnefnd Flateyrarhrepps kys þriggja manna hafnarnefnd til fjögurra ára í  
senn, og hefur hún, undir yfirstjórn hreppsnefndar, framkvæmd hafnarmála og  
eftirlit með höfninni, sér um viðhald og umbætur á henni og eignum hennar, stýrir  
öllum framkvæmdum, er þar að lúta, og annast fjárhald hafnarinnar, innheimtu  
og reikningsskil fyrir hönd hreppsnefndar.

Hreppsnefndin veitir fé úr sjóðnum til umræddra framkvæmda, eftir tillögum  
hafnarnefndar, og ákveður hvernig hann skuli ávaxta, enda ber hún ábyrgð á eign-  
um hans eins og öðrum eignum hreppsfélagsins.

Reikningar hafnarsjóðs skulu fylgja sveitarsjóðsreikningunum og endurskoðast  
og úrskurðast ásamt þeim.

#### 3. gr.

Daglegar framkvæmdir og eftirlit annast hafnarnefnd eða umboðsmaður  
hennar. Til aðstoðar hafnarnefnd skulu vera svo margir starfsmenn sem þurfa  
þykir. Hreppsnefnd skipar fasta starfsmenn eftir tillögu hafnarnefndar og setur  
þeim starfsreglur.

### III. KAFLI

**Um almenna reglu.**

#### 4. gr.

Hafnarnefnd sér um að gætt sé reglu í höfninni og á landi hennar. Er öllum  
skylt að hlýða boði hennar og banni og enn fremur þeirra starfsmanna, er hafnar-  
nefnd setur til að gæta reglu. Þyki einhverjum sér óréttur ger af starfsmönnum